



Ապահովության Լրացուցիչ Եկամուտի Նպաստներ

Ի՞նչ է SSI-ը

SSI հապավումը նշանակում է Ապահովության Լրացուցիչ Եկամուտ: Դա մի ծրագիր է, որ գործադրվում է Հասարակական Ապահովության (Social Security)-ի կողմից: SSI-ը ամսական նպաստներ է տրամադրում ծեր, կոյր և անկարող մարդկանց, որոնք ունեն չնչին ունեցվածք և եկամուտ, կամ բոլորովին չունեն: Չափահասների նման, երեխաներն էլ կարող են նպաստներ ստանալ կուրության կամ անկարության համար: SSI ստանալու համար պետք է լինեք ծեր, կոյր կամ անկար-

- Ծեր նշանակում է 65 տարեկան և բարձր:
- Կոյր նշանակում է ամբողջական կուրություն կամ շատ տկար տեսողություն:
- Անկար նշանակում է մարմնային կամ հոգեկան հիվանդություն, որը կտևի առնվազն մի տարի կամ կպատճառի մահ: Ձեր տեղական հասարակական Ապահովության Գրասենյակը կարող է ձեզ լրացուցիչ տեղեկություններ տալ չափահասների և երեխաների անկարողության կանոնների մասին:

Եթէ ստանում եք SSI, հնարավոր է ստանալ նաև սննդատոմսեր (food stamps) և Medicaid: Medicaid-ը ձեզ օգնում է վճարելու բժշկի և հիվանդանոցի ծախսերը: ստացագրերը:

Ձեր Ունեցվածքը Եւ Ձեր Եկամուտը

SSI ստանալու համար ձեր ունեցվածքը և եկամուտը որոշ սահմանից ցածր պետք է լինի:

Ձեր Ունեցվածքը

Ամեն ինչ չէ, որ մենք հաշվի ենք առնում որոշելու համար, թե դուք կարող եք SSI ստանալ: Օրինակ, մենք չենք հաշվում ձեր ապրած տունը և որոշ անձնական առարկաներ: Սովորաբար, մենք չենք հաշվում ձեր մեկ ինքնաշարժը:

Մենք հաշուում ենք.-

- Կանխիկ դրամ,
- Դրամատան հաշիվները արժեթղթերը(stocks), Ա.Մ. ական Մուրհակները(U.S. Savings Bonds),
- Անշարժ Գույք,
- Կյանքի Ապահովագրություն, և
- Անձնական Կալվածքներ:

Դուք կարող եք SSI ստանալ, եթե մեր հաշված ունեցվածքի արժեքը չանցնի.-

- \$2.000 մեկ անձի համար, և
- \$3.000 կոյզի համար:

Ձեր Եկամուտը

Եկամուտը այն դրամն է, որ դուք ստանում եք որպես.-

- աշխատավարձ (աշխատանքային կամ անձնական գործի եկամուտ):
- Հասարակական Ապահովության չեքեր:
- Հանգստաթոշակ:
- Աշխատավորի աշխատանքային հատուցման վճարումներ:
- Տոկոսներից, շահույթների, շահաբաժնի վճարումներ:
- Անգործության հատուցումներ:
- Նվերներ (օրինակ, կանխիկ դրամ):

Եկամուտ է համարվում նաև ոչ դրամային ստացումներ, ինչպիսիք են ուտեստեղեն, հագուստեղեն և պատսպարան: Մի ուրիշ եկամուտ կարող եք ունենալ և SSI:

Այլ Կանոններ, Որ Պետք է Իմանաք

Մինչդեռ SSI ստանալը, դուք պետք է.-

- Ապրեք Միացեալ Նահանգներում կամ Հյուսսային Մարիանա Կղզիներում:
- Լինեք Ա.Մ.Ն.-ի քաղաքացի կամ հպատակ, կամ
- Լինեք ոչ քաղաքացի խմբավորումների իրավասու մեկը:

Կապվեք Հասարակական Ապահովության ձեր գրասենյակի հետ լրացուցիչ տեղեկություններ ստանալու համար ոչ քաղաքացիների իրավասության կանոնների վերաբերյալ: Պահանջեցեք <<SSI-ը ոչ քաղաքացիների համար>> պարբերաթերթիկը: (համար 05-11051 հրատարակությունը)

Ի՞նչպես կարող եք դիմել SSI-ի համար

Այցելեք ձեր Հասարակական Ապահովության գրասենյակը, կամ հեռաձայնեք **1-800-772-1213** անվճար հեռախոսահամարով, ժամադրություն նշանակելու համար ձեր Հասարակական Ապահովության ներկայացուցիչի հետ, որը ձեզ կ'օգնի դիմումի համար:

Ծնողները կամ խնամակալները կարող են դիմել 18 տարեկանից ցածր կույր կամ անկարող երեխաների համար:

Եթե թարգմանիչի կարիք ունեք, մենք կարող ենք անվճար տրամադրել թարգմանիչ: Նախ հեռաձայնեք ժամադրության համար, որ ձեր լեզվով խոսող մեկը ներկա լինի ձեզ օգնելու համար:

Ի՞նչ Պետք է Բերեք

Դուք պետք է ունենաք հետևյալ թղթերը դիմելու համար: Եթե նույնիսկ ցուցակում նշված բոլոր թղթերը չունենաք, ստորագրեք դիմումը: Հասարակական Ապահովության գրասենեակի պաշտոնյաները կարող են օգնել ձեզ ձեռք բերելու ինչ որ անհրաժեշտ է: Խնդրվում է բերել՝-

- Ձեր Հասարակական Ապահովության քարտը (Social Security Card) կամ Հասարակական Ապահովության համար:
- Ձեր ծննդյան վկայականը կամ տարիքը հաստատող այլ փաստաթուղթ:
- Տվյալներ ձեր ապրած տան մասին, ինչպես օրինակ գրավաթուղթը (mortgage), կամ վարձի պայմանագիրը և տանտիրոջ անունը:
- Տուրքերի հետադարձ թղթերը կամ W-2 form, աշխատավարձի կտրոնը (pay stubs), դրամատան գրքույկները (bank books), ապահովագրության, ինքնաշարժի, թաղման հիմնադրամի արձանագրությունները և այլ տվյալներ ձեր ունեցվածքի և եկամուտի վերաբերյալ:
- Եթե դիմում եք անկարողության համար, բերեք ձեր բժշկների, հիվանդանոցների և բուժարանների անունները, հասցեները և հեռաձայնի համարները:
- Ա.Մ.Ն.-ի քաղաքացիության կամ իրավասու ոչ քաղաքացի լինելու փաստ:

Պետք է բերեք նաև ձեր չեքերի գրքույկը կամ որևէ այլ թուղթ որոնք ցոյց են տալիս դրամատան, վարկային միության կամ դրամական հաստատության համարը, որպեսզի մենք կարողանաք ձեր նպաստները ուղղակի ներդրել ձեր հաշվի մեջ: Ուղղակի ներդրում պահպանում է ձեր նպաստը կորելուց, գողությունից կամ փոստայի ուշացումից Դրամը միշտ ժամանակին է հասնում և պատրաստ է լինում օգտագործելու առանց դրամատուն գնալու: Դրամատանը հաշիվ չունեցող անձինք միայն ստանում են չեքեր:

միշտ ժամանակին է հասնում և պատրաստ է լինում օգտագործելու առանց դրամատուն գնալու: Դրամատունը երթալու ուղևորութեան: Դրամատան մեջ հաշիվ չունեցող անձինք միայն ստանում են չեքեր:

Մի խոսք Հասարակական Ապահովության նպաստների Մասին

Հասարակական Ապահովությունը նաև վճարում է կենսաթոշակներ, վերապրողների նպաստներ և անկարողության նպաստներ նրանց, որոնք բավական երկար աշխատել են Հասարակական Ապահովության համակարգին պատկանող աշխատատեղերում: Լրացուցիչ տեղեկությունների համար պահանջեցեք տեղեկություններ **«Կենսաթոշակ, Վերապրողների նպաստներ կամ Անկարողության նպաստներ»:**

Հավելյալ Տեղեկությունների Համար

Այցելեք www.ssa.gov website-ը, ձեր հարցերի պատասխաններին ունենալու և Հասարակական Ապահովության այլ ծառայություններից օգտվելու համար: Կարող եք պատվիրել **հրատարակություններ և դիմումնագրեր**, օգտվելու **հանգստյան անցնելու** և այլ **նպաստների նախատեսման ծրագրերից (Retirement and Benefit Planners)**, գրանցվել ստանալու *eNews*, մեր էլեկտրոնային պարբերաթերթը և մինչև անգամ **կենսաթոշակի դիմել ինտերնետով:** Ինտերնետով մեր սպասարկությունների մեծ մասը միայն անգլերենով է: Դուք կարող եք մեզ հեռաձայնել **1-800-772-1213:** Անվճար համարով: Մենք կարող ենք ձեր հարցերին պատասխանել, առ. ժամը 7-ից մինչև երեկ. ժամը 7-ը աշխատանքային օրերի ընթացքում: Ընդհանուր հարցերի ցանկագրված պատասխանները կարող եք ստանալ օրական 24 ժամ: Եթե խուլ եք կամ լսելու դժվարություն ունեք, կարող եք հեռաձայնել մեր TTY համարով՝ 1-800-325-0778 առ. ժամը 7-ից մինչև երեկ. ժամը 7-ը աշխատանքային օրերին:

Մեր Բոլոր հեռախոսային խոսակցությունները գաղտնի (անձնական) են, լինեն դրանք մեր անվճար համարով կամ գրասենյակների հետ: Եվ մենք ուզում ենք, որ դուք ստանաք ստույգ և քաղաքավարի սպասարկություն: Ահա թե ինչու մեր մի այլ ներկայացուցիչ հետևում է որոշ հեռաձայնային խոսակցություններին: